



UNIVERSITÄTS-  
BIBLIOTHEK  
PADERBORN

**Jus Canonicum Ad Libros V. Decretalium Gregorii IX.**

**Huth, Adam**

**Augustæ Vindelicorum, 1732**

30. De Officio Legati

---

[urn:nbn:de:hbz:466:1-63433](#)

nem, compositionem, acceptilationem; & maxime per latam sententiam & executioni datam, vel alteri demandatam. c. 9. b. t. modò sententia non fuerit nulla alio ex capite, quam ob non servatam formam mandati; quia tum delegatus munere suo est functus, licet male. 5. Lapsu temporis ad delegationem expediendam praefixi, nisi consensu partium prorogetur. c. 4. & 24 b. t. & L. 2. s. 2. ff. de jud. 6. Recusatione suspecti c. 17. & 25. b. t. Schmaltzg. h. n. 43. Huc spestant ea, quae quidam de Conservatoribus tractare solent.

## TITULUS XXX.

### De officio Legati.

**Q.** 1. *Legati qui dicantur?* Resp. Legatus in genere est, qui auctoritate sui Principis mittitur; qui si à Principe vel Ecclesiastico vel seculari mittitur ad deferenda mandata, expedienda negotia, celebrando contractus, ineundum fœdus &c. dicitur *Orator*; Si cum jurisdictione seu iudice ad gubernandam loco Principalis Provinciam, *judex legatus*. Vide tot. tit. ff. de off. Procons. & legat. & c. 2. b. t. in 6. Nobis in hoc titulo sermo est de Legatis judicibus Sedis Apostolicæ, quasi mediis inter judicem Ordinarium & delegatum: quorum alii dicuntur *Legati nationes*, qui Prælaturæ suæ seu dignitati Ecclesiasticæ legationis munus perpetuū annexum habent, qualiter olim

olim etat Archi-Episcopus Magdeburgensis, hodie Salisburgensis in Germania, Toletanus in Hispania, &c. Alii *Legati missi* simpliciter, seu sic dicti *Nuntii Apostolici*, qui quandoque cum potestate *Legati de latere* mittuntur: resident tales Nuntii in Germania plerumque Viennæ, Coloniæ, in Polonia, Gallia, Hispania. Alii denique *Legati de latere*, quales ex usu Curiæ non sunt nisi Cardinales, dum ad unam vel plures Provincias ad munus Legatorum ibi gerendum mittuntur, sic dicti, quia quasi à latere Papæ, quocum unum corpus efficiunt, & cui assistunt. desumuntur. Huc spectant Nuntii Apostolici olim *Apocrisiarii*, h. e. responsales seu responsarii dicti, de quibus Thomas. de vet. & nov. Eccles. discipl. p. 1. l. 2. c. 108. à n. 6.

*Q. 2. In quo convenient Legati Pontificii, sive, quæ sit potestas & jurisdictione omnibus Apostolicis Legatis communis?* *Resp.* Præterquam quod in genere illorum officii sit, exercere loco Pontificis *Ordinariam* in Provincias & fideles sibi commissos jurisdictionem; in specie potest & debet quilibet Legatus 1. Reformare mores & corrigere vitia etiam Episcoporum & Archi-Episcopi suæ Provinciæ. 2. Potest condere statuta, etiam morte sua vel discessu non exspiratura. c. fin. h. t.. 3. Causas Provincialium ad se devolutas vel per se cognoscere vel delegare: Vide c. 1. h. t. 4. Examen instituere super causa electionis Episcopi, illudque Romam transmittere. 5. Potest & debet conservare Principes & populos in fide &

K 3

affe-

affectione erga Sedem Apostolicam, Constitutio-  
nes Pontificias in usum deducere, aut cur non id  
fieri possit, Pontificem edocere. 6. Potest omnia  
regulariter, quæ Ordinarius suæ diœcesis, imo  
quæ ipse S. Pontifex, nisi quæ specialiter huic in-  
signum prærogativæ reservata sunt; uti non po-  
test Legatus vi generalis mandati transferre Epis-  
copos, c. 3. b. t. non unire Episcopatus aut di-  
dere. c. 4. b. t. non causam alteri delegatam ad  
se trahere. c. 2. b. t. non se intromittere in cause  
ad examen Sedis Apostolicæ translata, c. 5. b. t.  
non adiri in prima instantia, nisi pro causis ei spe-  
cialiter delegatis. Trid. sess. 24. c. 20. de reform.

Q. 3. Quæ sit potestas & prærogativa Legati  
latere? Resp. 1. Hic non tantum simpliciter ordi-  
nariam jurisdictionem habet, sed & in exemptos.  
Gloss. in c. 1. b. t. quorum electiones confirmat  
de jure communi. c. 36. §. hujusmodi, de elec-  
tione in 6. 2. De eodem jure communi concurrit cum  
Ordinario in collatione beneficiorum. c. 1. & 6.  
b. t. in 6. reservat beneficia nondum vacantia cum  
limitatione c. 3. b. t. in 6. præscriptâ. Verum  
hodie post Trid. sess. 24. c. 19. de reform. colla-  
tioni suæ reservare beneficia non potest; & in  
Germania ob Concordata neque concurrere in col-  
latione beneficiorum, neque electiones Archi-  
Episcoporum, Episcoporum &c. potest confirmare;  
quod à potiori etiam non possunt alii. 3. Lega-  
tus à latere à die egressus ex Urbe potest absolu-  
vere quoscunque & undecunque venientes per-  
cussores Clericorum ab excommunicatione. arg.

c. 4.

q. 4. & 9. h. t. 4. Circa dispensationes, v. g. in matrimoniiis habet concurrentem jurisdictionem cum quolibet Ordinario; in gradibus tamen prohibitis consanguinitatis & affinitatis sine speciali Pontificis concessione non dispensat. 5. Præsente Legato à latere aliorum Legatorum jurisdictione suspenditur. c. 8. h. t. illique competit splendidae insignia, de quibus dicitur in c. 23. *de priv.* &c. 6. Legato à Latere afferenti Legatum se esse, creditur; quia Cardinales alio, quam Legationis titulo à Curia mitti non solent; non autem creditur aliis Legatis, nisi ostensis literis Papalibus. c. 31. *de offic. deleg.*

Q. 4. Quæ potestas competit Legato missi, sive Nuntio Apostolico? Resp. 1. Desumenda est hæc potissimum ex literis Legationis; de Jure communī enim aliam potestatem non habet, quam quod sit Ordinarius Provinciæ suæ c. 2. h. t. in 6. eaque possit, quæ Legatis omnibus sunt communia. In exemptos itaque se non extendit jurisdictione Legati missi, nec ultra Provinciam, in qua tamen existens subditos suæ Provinciæ ab excommunicatione Canonis ob percussionem Clerici potest absolvere. c. 9. h. t.

Resp. 2. Nuntius Apostolicus missus cum potestate Legati à Latere, quæ clausula subinde addi solet, vi hujus potestatem cæteris Legatis missis majorem non habet, nisi quantum ipsi à Pontifice speciali mandato concessum. Ratio sumitur à paritate cum Vicario Episcopi, qui licet constitutus sit cum hac clausula, ut omnia possit, quæ po-

K 4 test

*test Episcopus*, non tamen potest alia, nisi quæ speciali mandato non egent.

*Q. 5. Quæ sit potestas Legati nati?* *Resp.* Alia non est *de jure communi*, nisi quanta Archi-Episcopi, cuius officio annexa est Legatio perpetua; ex privilegio tamen speciali major plerumque ipsius potestas competit, prout testatur Engel *h. n. 10.* de Archi-Episcopo Salisburgensi; ubi simul ait, *correctum esse c. 1. h. t. per Trid. sess. 24. de reform. c. 20.*

*Q. 6. Qualiter finiatur officium Legati?* *Resp.* 1. Legati nati officium non finitur, nisi dimissa aut amissâ dignitate, cui est annexum. *Gloss. in c. 3. v. finitur, h. t. in 6.*

*Resp.* 2. Aliorum Legatorum officium exspirat 1. Lapsu temporis præfixi, aut causâ vel negotio finito. *arg. c. 4. de off. deleg.* 2. Translatione negotii ad Papam per relationem vel appellacionem. *c. 5. b. t.* 3. Revocatione expressâ Legati per Papam, postquam hæc Legato innotuit, & probabiliter primùm postquam egressus est è Provincia, ad quam fuit missus. *arg. L. 3. ff. de off. Praesid.* 4. Egressu spontaneo è Provincia, animo non redeundi. *c. fin. h. t.* 5. Morte ipsius Legati, non tamen morte S. Pontificis, etiamsi Legatus nondum incepit uti jurisdictione, neque Provinciam sibi commissam fuerit ingressus ante obitum Papæ, modò tamen datus sit vel simpli-citer, vel tanquam *Sedis Apostolicae* Legatus *c. 2. h. t. in 6.*

TITU-